

STJÓRNARTÍÐINDI B 1 — 1967

14. febrúar 1967.

1

Nr. 1.

REGLUGERÐ

fyrir Stýrimannaskólann í Reykjavík.

Samkvæmt lögum nr. 84 15. ágúst 1966, um Stýrimannaskólann í Reykjavík, eru hér með sett eftirfarandi ákvæði:

I. KAFLI

Um markmið skólans og skipulag.

1. gr.

Markmið Stýrimannaskólans er að veita þá kunnáttu, er þarf til að standast fiskimannapróf, farmannapróf og próf skipstjóra á varðskipum ríkisins.

2. gr.

Skólinn starfar í þessum deildum:

1. Eins árs deild undir fiskimannapróf 1. stigs.
2. Tveggja ára deild undir fiskimannapróf 2. stigs.
3. Þriggja ára deild undir farmannapróf 3. stigs.
4. Sérstök deild undir próf skipstjóra á varðskipum ríkisins.

3. gr.

Hverri kennsludeild skal skipta, ef þörf krefur í kennslubekki. Í hverjum kennslubekk mega að jafnaði ekki vera fleiri en 20 nemendur.

Þetta ákvæði gildir þó eigi, þegar fyrirlestrar eru fluttir.

Engin kennsludeild starfar með færri en 4 nemendum, nema leyfi ráðuneytisins komi til.

II. KAFLI

Um kennsluna.

4. gr.

Í skólanum skal kenna: Stærðfræði, siglingafræði, íslenzku, dönsku, ensku, eðlisfræði, rafmagnsfræði, vélfræði, sjórétt, veðurfræði, heilsufræði, bókhald, viðskiptafræði, sjómennsku og íþróttir, einkum sund; auk þess þær fræðigreininir, sem krafizt er sérstaklega fyrir próf skipstjóra á varðskipum ríkisins.

5. gr.

Reglur um það hverju takmarki kennslunni er ætlað að ná í hverri grein, setur ráðuneytið með prófreglugerð.

B1

III. KAFLI

Um inntöku nemenda og millibekkjapróf.

6. gr.

Inntökubeiðni nýsveina í skólann skal vera komin til skólastjórans eigi síðar en 1. ágúst. Áður en skólinn hefst að haustinu, skulu nýsveinar hafa lagt fram vottorð um þau atriði, er um getur í 7. gr. og vottorð um siglingatíma samkvæmt 8. gr.

7. gr.

Þessi eru almenn inntökuskilyrði:

1. Að hafa þá sjón og heyrn, sem skipstjórnarstaða heimtar.
2. Að kunna sund.
3. Að vera ekki haldinn af neinum næmum sjúkdómi eða líkamskvilla, er orðið geti öðrum nemendum skaðvænn.
4. Að leggja fram sakarvottorð.

8. gr.

Til þess að vera tekinn í skólann, ber umsækjanda að leggja fram vottorð um siglingatíma sem hér segir:

Í fiskimannadeildina: 24 mánaða hásetatími eftir 15 ára aldur á skipi yfir 12 rúmlestir. Til inngöngu í 2. bekk fiskimannadeildar skulu minnst 6 mánuði af siglingatímanum vera á skipi yfir 30 rúmlestir.

Í farmannadeildina: 24 mánaða hásetatíma eftir 15 ára aldur á skipi yfir 30 rúmlestir og þar af minnst 3 mánuði á verzlunar- eða varðskipi yfir 100 rúmlestir.

Til þess að verða tekinn í deild þá, er býr menn undir próf skipstjóra á varðskipum ríkisins, skal umsækjandi hafa lokið farmannaprófi 3. stigs með ekki lægri meðaleinkunn en 6 í siglingafræði og stærðfræði samanlagt.

9. gr.

Aðgang að skólanum geta nýir nemendur ekki fengið eftir að kennsla er hafin. Þó má skólastjóri, þegar sérstaklega stendur á, veita undanþágu frá þessu ákvæði.

Nú sannar umsækjandi með prófi, að hann hafi þá kunnáttu, sem fyrsti bekkur fiskimanna- eða farmannadeildar veitir, og má þá setja hann í síðari bekk fiskimannadeildar eða í 2. bekk farmannadeildar, eftir því sem við á.

Í marzlok ár hvert skulu nemendur í fyrstu bekkjum fiskimanna- og farmannadeildar ganga undir próf í stærðfræði, siglingafræði, siglingareglum, sjómennsku, íslenzku, dönsku, ensku, sjórétti og heilsufræði. Nemendur í fyrsta bekk farmannadeildar skulu auk þess ganga undir próf í eðlisfræði.

Þeir einir, sem standast fiskimannapróf 1. stigs og hljóta auk þess minnst 4 í skriflegri stærðfræði og 3 í munnlegri dönsku og ensku, verða færðir í 2. bekk fiskimannadeildar.

Þeir einir, sem standast farmannapróf 1. stigs og hljóta auk þess minnst 4 í skriflegri stærðfræði og 3 í skriflegri eðlisfræði, munnlegri dönsku og munnlegri ensku, verða færðir í 2. bekk farmannadeildar.

Farið skal eftir sama einkunnastiga og við fullnaðarpróf.

Nemendum, sem falla í einstökum greinum, er heimilt að ganga aftur undir próf í þeim, áður en skólinn tekur til starfa að haustinu. Er kennurum skólans heimilt að halda áður tveggja vikna námskeið við skólann í fallgreininum, einni eða fleiri. Nemandi, sem hlýtur lægri meðaleinkunn en 4 úr prófinu, getur ekki gengið undir próf aftur fyrr en næsta vor.

Þegar sérstaklega stendur á, og kennurum ber saman um, að nemandi hafi næga kunnáttu í þessum námsgreinum, getur skólastjóri veitt honum undanþágu frá prófi.

Þá skal og halda próf upp úr 2. bekk farmannadeildar (farmannapróf 2. stigs) í lok marz mánaðar ár hvert. Prófið skal haldið af kennurum skólans, og skal prófað í þessum námsgreinum: Stærðfræði, siglingafræði, eðlisfræði, íslenzku, dönsku, ensku, siglingareglum, skipagerð, sjórétti, heilsufræði og vélfræði.

Til þess að standast prófið þarf nemandinn að fá einkunnir sem hér segir:

Í stærðfræði, minnst 4 stig fyrir eina skriflega úrlausn.

Í siglingafræði, minnst 8 stig fyrir 2 skriflegar úrlausnir.

Í skipagerð, minnst 4 stig fyrir eina skriflega úrlausn.

Í íslenzku, minnst 4 stig fyrir eina skriflega úrlausn.

Í eðlisfræði, minnst 3 stig fyrir eina skriflega úrlausn.

Í siglingareglum, minnst 5 stig fyrir eina munnlega úrlausn.

Í meðaleinkunn minnst 4 stig.

Farið skal eftir sama einkunnastiga og við fullnaðarpróf.

Prófið í siglingareglum gildir við fullnaðarpróf, og skulu vera við það 2 prófdómendur skipaðir af ráðuneytinu.

Nemendum, sem falla í einstökum greinum, er heimilt að ganga aftur undir próf í þeim að haustinu, áður en skólinn tekur til starfa.

Nemandi, sem hlýtur lægri meðaleinkunn en 4 úr prófinu, getur ekki gengið undir próf aftur fyrr en næsta vor.

Þeir einir, sem standast þetta próf, verða færðir í 3. bekk farmannadeildar að hausti. Þegar sérstaklega stendur á, og kennurum ber saman um, að nemandi hafi næga kunnáttu í þessum námsgreinum, getur skólastjóri þó veitt honum undanþágu frá þessu prófi.

Þegar gefnar eru prófeinkunnir, skal jafnframt taka tillit til frammistöðu nemandans um veturinn, að dómi kennara.

IV. KAFLI

Um kennara skólans.

10. gr.

Kennarar skólans eru:

1. Fastir kennarar: skólastjóri, eigi færri en fimm kennarar í siglingafræði og tungumálakennari.
2. Stundakennarar, eftir þörfum, og setur ráðuneytið þá samkvæmt tillögum skólastjóra.

11. gr.

Ráðuneytið ákveður kennslustundafjölda skólastjóra og kennaranna, nema sérstök ákvæði séu um það, t. d. í Kjaradómi.

12. gr.

Allir kennarar skólans eiga af fremsta megni að styðja að góðri reglu við skólann og láta sér annt um, að kennslan nái tilgangi sínum. Kennurum ber jafnan að vera komnir í skólann, áður en kennslustund þeirra byrjar, og fara tafarlaust inn í sína kennslustofu, þegar inn er hringt.

V. KAFLI

Um stjórn skólans.

13. gr.

Skólastjórinn hefur á hendi stjórn skólans undir yfirumsjón samgöngumálaráðuneytisins. Hann skal sjá um, að góðri reglu sé haldið í skólanum og hafa á hendi reikningshald skólans og eftirlit með viðhaldi hans, ræsting o. s. frv.

Við hver áramót skal skólastjóri senda ráðuneytinu aðalreikning með fylgiskjölum yfir það, sem skólinn hefur notað umliðið ár.

Að afloknum fullnaðarprófum skal skólastjóri senda ráðuneytinu greinilega skýrslu um ásigkomulag skólans, kennsluna og prófin.

14. gr.

Skólastjórinn skal sjá um, að í skólanum séu eftirtaldar bækur: Prófbók, bréfabók, áhaldabók og dagbók, og að reglulega sé í þær ritaðar, eftir því sem við á.

VI. KAFLI

Um nemendur skólans.

15. gr.

Nemendur eiga í kennslustundum sem utan þeirra að sýna kennurum sínum virðingu og hlýðni.

16. gr.

Nemendur skulu jafnan vera komnir í skólann á hverjum kennsludegi, áður en kennsla byrjar, og geti nemandi eigi sótt skólann sakir sjúkleika eða af öðrum gildum ástæðum, skal hann samdægurs senda skólastjóra tilkynningu um það, en skólastjóra ber að grennslast eftir, á hvaða rökum afsakanir eru byggðar, sé eigi sent læknavottorð.

17. gr.

Nemendur skulu ávallt vera siðprúðir og ástundunarsamir og ekki viðhafa áflog eða ryskingar í skólahúsinu. Reykingar eru stranglega bannaðar inni í kennslustofunum.

18. gr.

Valdi nemandi skemmdum á kennsluáhöldum eða öðrum munum skólans, skal hann bæta þær að fullu.

19. gr.

Skyldir eru nemendur að hlýða sérhverjum þeim reglum og fyrirskipunum, sem með samþykki ráðuneytisins kunna að verða settar, til að styðja að reglu og aga í skólanum.

20. gr.

Brjóti nemandi gegn góðri reglu og velsæmi eða sýni ókurteisi eða óhlýðni eða sé óreglusamur og skólavera hans teljist skaðleg fyrir skólann eða gagnslaus fyrir nemandann sjálfan, getur skólastjóri vísað honum burt úr skólanum um stundarsakir.

Telji kennarar skólans nauðsynlegt að vísa honum burt fyrir fullt og allt, skal til þess fengið leyfi ráðuneytisins.

VII. KAFLI

Um kennslutíma og leyfi.

21. gr.

Skólaárið byrjar 1. október og endar 30. september.

22. gr.

Á viku hverri skulu í hverjum bekk vera eigi færri en 36 kennslustundir. Hver kennslustund er 50 mínútur, en hlé milli kennslustunda 10 mínútur. Skólastjóri semur stundatöflu fyrir hvert skólaár og leggur hana undir úrskurð ráðuneytisins.

23. gr.

Stundafjöldi námsgreinanna á viku skal vera sem hér segir:

Námsgreinar	Fiskimprn.		Farmprn.			Nemendad. skipstj- efna á varðskipum
	1. b.	2. b.	1. b.	2. b.	3. b.	
Stærðfræði	10	3	10	4	3	10
Siglingafræði	10	13	10	9	11	—
Íslenzka	5	4	5	4	3	—
Danska	3	3	3	3	3	—
Enska	3	5	3	4	4	6
Sjóréttur	2	1	2	1	1	—
Heilsufræði	1	1	1	1	1	—
Bókhald	—	1	—	1	1	—
Viðskiptafræði	—	—	—	—	1	—
Eðlisfræði	—	—	2	4	—	4
Rafmagnsfræði	—	—	—	—	4	—
Vélfræði	—	2	—	2	2	—
Landa- og veðurfræði	—	1	—	—	2	—
Sjómennska	7	5	7	6	5	4
Alþjóðaréttur og skýrslur	—	—	—	—	—	3
Alþjóðamerki	—	—	—	—	—	4
Vopn og verjur	—	—	—	—	—	2
Líkamsæfingar	—	—	—	2	2	3
Samtals á viku	41	39	43	41	43	36

Enn fremur skulu nemendur njóta tilsagnar í björgun úr sjávarháska, eigi sjaldnar en fjórum sinnum á vetri.

Heimilt er skólastjóra að fella niður kennslu í bókhaldi í 3. bekk farmanna-deildar, enda ljúki nemendur burtfararprófi í þeirri námsgrein upp úr 2. bekk. Færa má til stundafjölda í námsgreinum hvernar deildar, ef þess er þörf.

24. gr.

Þessi skulu vera lögboðin leyfi:

1. Jólaleyfi, er nær frá 22. desember til 3. janúar, að báðum þeim dögum meðtöldum.
2. Páskaleyfi, er nær frá miðvikudegi fyrir skírdag til þriðja í páskum, að báðum þeim dögum meðtöldum.
3. 1. desember, sumardagurinn fyrsti og 1. maí.
4. Mánaðarfrí, einn dag í október, nóvember, febrúar og marz.

25. gr.

Ráðuneytið setur reglugerð um það, hvernig fiskimanna- og farmannapróf- um 1. stigs og fullnaðarprófum skuli hagað, og hvað útheimtist til að standast þau. Það gefur og út fyrirmynd fyrir prófvottorðum.

26. gr.

Reglugerð þessi, sem sett er sankvæmt lögum um Stýrimannaskólann í Reykjavík, nr. 84 15. ágúst 1966, öðlast þegar gildi og birtist til eftirbreytni öllum þeim, sem hlut eiga að máli. Jafnframt er úr gildi fallin reglugerð fyrir Stýrimannaskólann í Reykjavík, nr. 48 21. marz 1955, ásamt síðari breyting- um nr. 176 6. október 1960 og nr. 95 21. ágúst 1961, nema að því er tekur til þeirra, sem ljúka fullnaðarprófum vorið 1967.

Samgöngumálaráðuneytið 14. febrúar 1967.

Gylfi Þ. Gíslason.

Kristinn Gunnarsson.

Nr. 2.

11. janúar 1967.

AUGLÝSING

um innflutningskvóta.

Með skírskotun til 3. gr. reglugerðar nr. 79 27. maí 1960 um skipan gjaldeyris- og innflutningsmála o. fl. hefur ríkisstjórnin í samráði við Seðlabankann ákveðið innflutningskvóta fyrir árið 1967 samkvæmt eftirfarandi lista:

Toll- skrárn.	Vörutegund	Innflutnings- kvóti 1967
04.01.00—		
04.05.00	Mjólkurafurðir, fuglaegg	kr. 150 000
09.01.11	Brennt kaffi	— 2 500 000
20.04.00	Ávextir, ávaxtahýði og plöntuhlutar, varið skemmdum með sykri	— 4 000 000
25.23.00	Portlandssement, aluminatsement, slagsement og annað hydrolískt sement	— 10 000 000
44.18.00	Gervitrjáviður úr spónum o. s. frv. þó ekki plasthúðaðar plötur	— 10 000 000
48.09.00	Byggingarplötur úr viðartrefjum eða öðrum jurtatrefjum, einnig límdar með náttúrulegum harpax	— 13 000 000
60.03.01	Heilsokkar kvenna úr silki eða gervifráðum	— 16 000 000
85.01.00	Spennar (transformatorar) þó ekki spennar fyrir fluores- centljós	— 5 000 000
93.01.00		
93.07.29	Vopn og skotfæri og hlutar til þeirra, þó ekki línubysur, hvalveiðibysur og skutlar og skot í hvalveiðibysur og línubysur	— 6 000 000
94.01.00		
94.03.00		
94.04.00	Húsgögn og hlutar til þeirra, rúmbotnar, dýnur, púðar og þess háttar stoppaður húsbúnaður, þó ekki eldhús-	